



**Corpus Juris Canonici, Per Regulas Naturali Ordine  
Digestas, Usuque Temperatas, Ex Eodem Jure, Et  
Conciliis, Patribus, Atque Aliunde Desumptas, Expositi**

Opus, Tum In Rebus Obscuris Claritate, Tum Dispersis Collectione ac  
delectu, in contrariis conciliatione, eximium, simulque Indicibus ac  
Præfationibus, Notisque quamplurimis & exquisitis illustratum, ; In Tres  
Tomos divisum

Complectens Prolegomena Ad Jus Canonicum In Se Et Universim  
Consideratum

**Gibert, Jean-Pierre**

**Coloniæ Allobrogum, 1735**

Regulæ circa Concilia in Particulari.

---

[urn:nbn:de:hbz:466:1-74413](#)

## §. IX.

*Quā pēnā puniantur in Concilia delinquentes.*

## REGULA.

Non alia habetur in Canone quām Excommunicatio ferendae vel latæ sententiae, vel suspensio.

Opponi possent C. 6. 7. CAUS. XI. QUEST. IIII. ubi à Synodo excommunicatus, vel depositus, divinis se ingeneris, à restitutioñis spe excluditur. Sed dici potest, hos Canones non continere Pœnam, sed tantum Irregularitatem, quæ est Impedimentum Canonicum, & non Pœna.

*Regula circa Concilia in Particulari.*

Acturi de Conciliis in Particulari, à nobiliori ilorum specie ducemus exordium, nempe, à Conciliis Generalibus, circè quā queremus: 1. Quid requiratur, ut Concilium sit Generale. 2. Cuius sit illud convocare, in eoque præsidere. 3. Quæ autoritas. 4. Quæ distincio inter Generalia. 5. In quibus præcipue differat Concilium Generale à Particulari.

## §. I.

*Quid requiratur ut Concilium sit Generale?*

## REGULA.

Ut Concilium sit Generale non alia requiruntur, quām quæ sequuntur.

1. Ut omnes Episcopi ad illud vocentur.
2. Ut convocetur ab eo, cuius est illud convocare.

3. Ut iste in eo præsit per se, vel per alium.

Ut pateat Regula, duo probanda incumbunt. 1. Hac tria requiri. 2. Hac sufficere.

Littera convocatoria Conciliorum Generalium dirigunt solent ad omnes & singulos, qui jure vel consuetudine, adesse debent, vel possunt. Id patebit ex subjiciendis infra Observationibus circè Concilia Generalia.

Primum ostenditur, quoad primam partem, ex eo, quod Concilium Generale non sit nisi Ecclesia Universalis congregata; atque nomine Ecclesia, in his, quæ jurisdictionis sunt, Episcopi intelliguntur, ut in ipsis verbis CHRISTI, *Dic Ecclesie*, quibus jubet, ut monitionum occultarum contemptor, Ecclesiæ deferatur. Præterea, Episcoporum est regere Ecclesiam, ut habetur ACT. II. v. 28. Rigitur autem maximè per Generalia Concilia.

Quoad Secundam, & Tertiam Partem, constat ex eo, quod omnis Congregatio, ut sit legitima, fieri debet eo convocante, cuius est convocare, eodemque præsidente.

Secundum patet ex eo, quod omnis alia Congregatio est legitima, quando vocantur, qui vocandi sunt, convocatio fit ab eo, ad quem pertinet; ac ille Congregationi per se, vel per alium, præficit.

Hinc sequitur Abbates Generales Ordinum, & Cardinales, qui non sunt Episcopi, non esse ad Concilium vocandos Jure Divino, ut sit Generale; ac, si ad illud vocentur, id fieri Jure Humano, quale est Privilegium, Confluentum.

Quæres, cur nihil dicat Regula de numero Episcoporum, qui adesse debeant Concilio, ut sit Generale? Respondetur: id ita factum, quia nullus est ad hoc determinatus. Sunt enim Concilia Generalia celeberrima, quibus adfuere tantum CL. quale est Constantinopolitanum I. Imo CXXX. quale Calcedonense itaque majori in honore habentur propter venerandam antiquitatem, quām Concilium Lateranense cui adfuere millia & amplius Patrum.

Quæres iterum, cur omnes Episcopi vocari debant, adesse verò ei non debeant, ut sit generale? Respondetur: nullum prætermitti posse sine injuriā; singulos verò adesse non posse, sine Ecclesiastum detrimento, multos legitimè impediti, vel infirmitate, vel aetate, similibusve causis, ne adint; fierique posse nonnullos adesse nolle, vel negligentiā, aliquaque iustā causā: unde, si omnes adesse deberent, nullum unquam potuisset, neve posset nunc fieri Concilium Generale.

Minorem numerum præsentium Episcoporum supplet ceterorum acceptatio, in quantum opus est, ut Conciliorum hujusmodi Decreta dici queant Ecclesiæ Universalis definitiones.

## §. II.

*Cujus sit Concilium Generale convocare, eidemque præsidere?*

## REGULA I.

Juxta Canones *Corpo Juris* inclusos foliis est Papæ Concilium Generale convocare, eidemque præesse.

DIST. XVII. C. 1. 2. L. Qui, ut veri sint Canones, restringendi sunt ad Concilia Generalia.

RATIO. Concilium, ut dictum, non est nisi Ecclesia congregata: Ecclesia autem est Corpus; Papa verò hujus Corporis Caput. Ideoque, sicut in aliis Corporibus, Capitis est Corpus convocare, & convocato præesse, Papæ est Concilium Generale convocare eidemque præesse.

Hæc regula & subsequens fusori indigent expositione, quæ dabitur in Observationibus circè Concilia Generalia.

REGULA circa Exceptiones Regulae præcedentis. Præcedens Regula non alias patitur Exceptiones, quām istas.

1. Si dubius sit Papaæ legitimus.
2. Si notorius sit Hæreticus.
3. Si Sedes vacat.
4. Si Concilium præcedens futuri tempus & locum præfiniat.

Decreta Concilii Constantiensis & Basileensis hæc quatuor probant.

## §. III.

*Quæ Concilii Generalis Autoritas.*

## REGULA I.

Eadem est Concilii Generalis, ac Ecclesiæ, in modo & Scripturæ Sanctæ autoritas.

C. 1. 2. DIST. XV. C. II. de renunt.

RATIO: Ecclesiæ totam repræsentat, ipsiusque definitiones dicitur idem Spiritus Sanctus, qui Scripturam Sanctam dictavit.

Hinc sequitur 1. non magis posse Concilium Generale à veritate & iustitia deviare, quām Ecclesiæ, & Scripturam Sanctam: ideoque nihil posse contrarium fidei, vel bonis moribus definire, vel statuere.

2. Maximam esse Concilii Generalis autoritatem, cum eadem sit, ac Spiritus Sancti, qui Deus est. Idque duplice titulo, quo illud regit Spiritus Sanctus; nempe, prout est Sponsa Spiritus Sancti congregatio ipsam totam repræsentans, &, prout est facta à Spiritu Sancto revelationis, & in Scriptura, & Traditione contentæ, interpres.

C. 58. DIST. I. in quo Constitutiones Conciliorum dicuntur fieri per Spiritum Sanctum.

Dices: Si eadem sit Concilii Generalis autoritas, ac Spiritus Sancti, unde fit, ut præcepta ab eo facta non

non sunt divina; ut patet ex eo, quod non obligant cum vita discrimine? Respondetur: Id provenire ex eo, quod Concilium Generale non sit Spiritu Sancti organum extra ea, quae sunt revelata, illave, quae fidem, vel bonos mores, proxime tangunt: idque, quia Ecclesia, quam representat, constituta est tantum visibilis fidei, morumque regula.

Dices iterum: Quomodo eadem est Generalis Concilii ac Scripturæ Sacrae autoritas, cum C. 4. de Elefant. dicatur, à Romano Pontifice autoritatem, roburque suum accipere; Scriptura autem Sacra à Deo, non ab homine, suam accipiat autoritatem. Sed respondetur: Cap. oppositum ad rem non facere; quia, de rebus spectantibus Disciplinam, loquitur, ac hic comparatur Generalis Concilii autoritas cum Scripturæ autoritate, quoad res, quae fidem moreisque continentur.

## §. IV.

*Quæ sit inter Concilia Generalia distinctio.*

## REGULÆ.

Unica est inter Concilia Generalia notanda distinctio, quæ petitur ex Constitutionibus circa Disciplinam, quæque in eo sita est, quod alia aliis puriores ediderint.

RATIO: Duo tantum in Conciliis Generalibus considerari possunt. 1. Potestas definiendi, & statuendi. 2. Definitiones & Constitutiones.

Quoad Primum, nulla potest esse inter ea distinctio: quia, nec crevit, nec decrevit Ecclesia potestas, eadem semper manxit, ut & manebit: moderna etenim Ecclesia non minus est sponsa & organum Spiritus Sancti, Corpus, cuius Caput est CHRISTUS, columna & firmamentum veritatis, caffrorum acies ordinata, adversus quam portæ inferi prævalere nequeant, aliqua similia, quæ primitia: promissio Ecclesia factæ non sunt temporis obnoxiae:

C. 58. DIST. L. C. 5. CAUS. XXV. QUEST. I. Cor. rect. Röm. C. 2. CAUS. XXIV. QUEST. I.

Quoad Secundum, nulla etiam potest esse inter Concilia Generalia distinctio, si sermo sit de Definitionibus, & Constitutionibus, quæ fidem moreisque respiciunt: cùm, circa illa, Definitiones & Constitutiones nequeant esse aliae aliis puriores.

Restat ergo, ut Concilia Generalia non distinguantur, nisi ratione Constitutionum, circa Disciplinam; nam præter Constitutiones circa fidem & mores, nullas alias facere potest, quæ circa Disciplinam, circa quam, priorum Conciliorum Constitutiones ceterorum Constitutionibus videntur puriores.

Dices: Concilia Generalia, quoad autoritatem, & dignitatem, distingui inter se, afferresque ad hoc C. 28. DIST. L. in quo haec leguntur: *Quoties Conciliorum dictis est, sententia, illius magis tenenda est, cuius antiquior & potior est autoritas;* Unde, duplicito titulo Concilium unum alteri prævalet autoritate, nempè dignitate, expressa hoc verbo, *potior,* & antiquitate, alio significata.

Idem habetur C. 11. CAUS. XXXIII. QUEST. II.

Respondetur: Illum Canonem loqui de Conciliis non Generalibus: conciliat enim Concilium *Ancyrum*, quod est Provinciale, cum alio Concilio Particulari; 2. Etsi loqueretur de Conciliis Generalibus, restringi posset ad res Disciplinae, in quibus antiquiora Concilia sunt aliis præferenda: quia, quæ prioribus seculis seruebat devotione, succedentibus temporibus tepuit, & propterea majori in honore habentur juxta illud: antiquitati Patres sanxerunt reverentiam. C. 8. CAUS. IX. QUEST. III. C. 3. de translat. Nec non & istud: *Priſca, pro sua reverentia manere debent constituta* C. 1. DIST. LV. Adde, quod objectus Canon sit spurius, cùm defumatur ex Epistola Ildori ad Massonem, quæ supposititia est.

## §. V.

*In quibus Concilium Generale, à Particulari præcipue differat.*

## REGULÆ.

Principia inter Concilium Generale, & Particulari discrimina non alia sunt, quæ sequuntur.

1. Solus Papa potest Concilium Generale convocare, in eoque præsidere; jus vero alia convocandi, in iisque præsidendi ad alios pertinet. DIST. XVII.

2. Generalia Concilia non sunt errori, nec peccato obnoxia: Particularia vero, utrique: Ideoque, illa ipsi præferenda, in his, quæ fidem, vel mores spectant; non autem in aliis, in quibus Particularia constituere possunt, quæ locis sibi Subditis congruentia, quæ à Generalibus constituta sunt, C. 1. de confit.

3. Generalia obligant totam Ecclesiam; Particularia vero, ex se ipsis, non ligant, nisi illius pars tem. Unde ista vocantur *Locales Synodi*, id est, certis Locis, quoad autoritatem, limitata.

C. 1. da Constitutionibus docens Statuta Canonum ab omnibus custodienda. C. 4. CAUS. I. QUEST. VII.

4. Concilia Generalia possunt condere articulos fidei, sive definitiones fidei facere, non item Concilia Particularia . . . C. 1. 2. DIST. XV.

5. Judicium Conciliorum Generalium circa Jus, est irreformabile: fecit de aliorum Judicio . . . ibid.

6. Concilia Generalia inter se comparata, sunt equalis autoritatis: Concilia vero Particularia inter se comparata sunt inæqualis . . . ibid.

7. Quanto Generalia autoritate excedunt Particularia, ita illa superant numero.

8. Autoritas Canonum Conciliorum Generalium crescere nequit; aliorum vero crescere potest . . . C. 1. 2. DIST. XV.

9. Concilia Particularia Generalibus sunt antiquiora, nisi Concilium, de quo ACT. XV: Generalibus, tum propter infallibilitatem: tum propter personarum qualitatem, quæ Universam Ecclesiam representabant, accentuator.

Hæc discrimina colliguntur partim ex dictis circa Concilia Generalia, partim ex mox dicendis, circa Concilia Particularia: quæ enim sequuntur n. 2. 3.

4. 5. 6. 7. 8. sequuntur ex eo, quod Concilia Generalia pars sunt, cum Sacra Scriptura, autoritatis: Quæ haecne humanæ dicta sunt, & ex Corpore Juris defuncta, fusi explicabuntur in Observationibus, circa Concilia Generalia præcitat, quæ alio modo, quæ ex illo, eruentur.

## Regulæ circa Concilia Particularia.

Concilia Particularia considerari possunt: 1. In genere. 2. In specie. Primo modo sumpta, querit potest circa ista Concilia: 1. In quibus, cum Generalibus convenient? 2. Quæ sit illorum divisio? 3. Cujus sit illa convocare, iisque præfesse? 4. Quæ illorum autoritas, & quanti facienda? 5. An aliqua Lex hujusmodi Concilia præcipiat? 6. In quibus inter se convenient, & differant?

## §. I.

*In quibus Concilium Particulare, cùm Generali conveniat.*

## REGULÆ.

Non in aliis, saltem notandis, Concilium Particulari, cùm Generali convenit, quæ in sequentibus.

I. In Natura. Est enim Episcoporum congregatio à Superiori Ecclesiastico facta,

F. 4

2. In